

Na osnovu člana 25. stav 1. alineja 2. i člana 32. stav 1. alineje 2, 3, 4 i 5. Zakona o građevinskim proizvodima («Službene novine Federacije BiH«, broj 78/09), federalni ministar prostornog uređenja d o n o s i

## PRAVILNIK O DOPUNI PRAVILNIKA O OCJENJIVANJU USKLAĐENOSTI GRAĐEVINSKIH PROIZVODA

### Član 1.

U Pravilniku o ocjenjivanju usklađenosti građevinskih proizvoda („Službene novine Federacije BiH“, broj 88/10), iza člana 8. dodaje se novi član 8a. koji glasi:

### „Član 8a.

Ministarstvo provodi radnje nostrifikacije certifikata o fabričkoj kontroli proizvodnje, odnosno certifikata o usklađenosti izdatih u inostranstvu, ukoliko za neko područje proizvoda ne postoji pravno lice ovlašteno za izdavanje certifikata o fabričkoj kontroli proizvodnje, odnosno certifikata o usklađenosti.

Ministarstvo provodi radnje nostrifikacije samo u slučaju kad za određeni građevinski proizvod ili grupu proizvoda postoji tehnički propis, donesen u skladu sa odredbama člana 81. stav 6. Zakona o prostornom planiranju i korištenju zemljišta na nivou Federacije Bosne i Hercegovine, odnosno odredbama Zakona o građevinskim proizvodima.

Na osnovu prethodno pribavljenog mišljenja Stručnog odbora za građevinske proizvode iz člana 18. Pravilnika o uslovima za lica koja provode radnje ocjenjivanja usklađenosti građevinskih proizvoda, Ministarstvo izdaje potvrdu o nostrifikaciji certifikata o fabričkoj kontroli proizvodnje, odnosno certifikata o usklađenosti, a na osnovu zahtjeva proizvođača ili ovlaštenog zastupnika.

Uz zahtjev za izdavanje potvrde o nostrifikaciji prilaže se sljedeće:

- 1) kopija certifikata za koji se traži nostrifikacija,
- 2) prevod certifikata na jedan od službenih jezika u Bosni i Hercegovini, sačinjen od strane ovlaštenog lica,
- 3) pisana izjava proizvođača odnosno ovlaštenog zastupnika da su u postupku izdavanja certifikata za određeni građevinski proizvod zadovoljeni uslovi i standardi u skladu sa odnosnim tehničkim propisom, donesenim u skladu sa odredbama člana 81. stav 6. Zakona o prostornom planiranju i korištenju zemljišta na nivou Federacije Bosne i Hercegovine,
- 4) dokaz o uplati troškova nostrifikacije iz člana 5. stav 5. Pravilnika o uslovima za lica koja provode radnje ocjenjivanja usklađenosti građevinskih proizvoda.

U slučaju zahtjeva za izdavanje potvrde o nostrifikaciji certifikata o usklađenosti, podnosilac zahtjeva je dužan priložiti i izjavu o usklađenosti iz člana 10. ovog Pravilnika.

Svi dokumenti se predaju u originalu ili ovjerenoj kopiji.

U svrhu utvrđivanja činjenica bitnih u postupku izdavanja potvrde o nostrifikaciji, podnosilac zahtjeva dužan je, na traženje Ministarstva, dostaviti i druge isprave i dokaze, ukoliko se isto bude smatralo relevantnim.

Potvrda o nostrifikaciji ima rok važenja kao i certifikat za koji je izdata.

U postupku izdavanja potvrde o nostrifikaciji primjenjuju se odredbe Zakona o upravnom postupku.“

## Član 2.

Ovaj Pravilnik stupa na snagu narednog dana od dana objave u "Službenim novinama Federacije BiH“.

Broj: 01-02-3-1463/10  
Sarajevo, 26.09.2011. godine

Ministar

mr. sci. Desnica Radivojević